



REPUBLIKA E SHQIPËRISË
KOMISIONI I PROKURIMIT PUBLIK

Nr. 1690/7 prot.

Datë 09.07.2025

V E N D I M

Nr. 877/2025

Komisioni i Prokurimit Publik, i përbërë nga:

Fiorent Zguro	Nënkryetar
Kreshnik Tërnova	Anëtar
Gjergj Mersini	Anëtar

Në mbledhjen e datës 09.07.2025 shqyrtoi ankesën me:

Objekt:

Shfuqizimi i vendimit të Komisionit të Vlerësimit të Ofertave mbi kualifikimin e ofertës të paraqitur nga BOE “Primus Albania” SHPK & “Nexia AI Consulting” SHPK në procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjiellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25.04.2025 nga autoriteti kontraktor, Shoqëria Rajonale Ujësjiellës Kanalizime Dibër SH.A

Ankimues:

Operatori ekonomik “KREATX” SHPK me NIPT L12121023B, me adresë: Njësia Administrative Nr. 5, Rruga “Robert Zhvarc”, Godina “Niku Konstruksion”, Tiranë.

Subjekte të interesuar:	BOE “Primus Albania” SHPK & Nexia AI Consulting” me NIPTL42202028V, L82210031Q Rruga “Margarita Tutulani”, pallati “Viridario 1”, Tiranë.
Autoriteti Kontraktor:	Shoqëria Rajonale U.K. Dibër Sh.a. Lagjia “Minatori”, Pallati i Kulturës, Bulqizë.
Baza Ligjore:	Ligji nr. 162/2020 <i>“Për Prokurimin Publik”</i> i ndryshuar, Vendimi i Këshillit të Ministrave nr. 285, datë 19.05.2021 <i>“Për miratimin e rregullave të prokurimit publik”</i> , i ndryshuar, Vendimi i Komisionit të Prokurimit Publik Nr. 766, datë 13.10.2021 <i>“Për miratimin e rregullave për organizimin dhe funksionimin e Komisionit të Prokurimit Publik”</i> , Neni 4 i Vendimit të Komisionit të Prokurimit Publik nr. 500/2020 datë 5.11.2020 <i>“Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”</i> .

Komisioni i Prokurimit Publik, pasi shqyrtoi ankesën e paraqitur nga operatori ekonomik ankimues dhe pasi diskutoi çështjen në tërësi,

Vëren:

I

Vlerësimi paraprak

I.1. Vlera limit e përlogaritur për procedurën e prokurimit objekt-ankimi është nën kufirin e ulët monetar, ndaj shqyrtimi dhe vendimmarrja do të bëhet nga tre anëtarë, në përputhje me pikën 1, të nenit 30 të ligjit nr. 162/2020 “Për prokurimin publik” dhe Rregullat e Prokurimit Publik.

I.2. Operatori ekonomik ka prima facie interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr.162/2020 “Për prokurimin publik”.

I.4. Ankimuesi nuk ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 11.03.2025 është publikuar në Sistemin e Prokurimeve Elektronike procedura e prokurimit “Procedurë e Hapur e Thjeshtuar”, me Nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti ,faturimi , arketimi, magazinim e inventarizim , etje ,per nevojat Shoqërise Rajonale e Ujësjellës Kanalizime Dibër sh.a”, me fond limit 2,500,000.00 Lekë pa TVSH, zhvilluar në datën 25-04-2025, nga autoriteti kontraktor, Shoqëria Rajonale Ujësjellës Kanalizime Dibër SH.A.

II.2. Në datën 02.05.2025, autoriteti kontraktor ka bërë vlerësimin e ofertave të operatorëve ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

- | | | | |
|----|----------------------------|------------------------|--------------|
| 1. | OE “KREATX” sh.p.k | 1.875.000 lekë pa TVSH | Kualifikuar |
| 2. | BOE- Primus Albania sh.p.k | 1.875.000 lekë pa TVSH | Skualifikuar |

II.3. Në datën 09.05.2025, autoriteti ka bërë publikimin e njoftimit te fituesit paraparak për procedurën e prokurimit publik në Sistemin e Prokurimit Elektronik.

II.4. Në datën 14.05.2025 nëpërmjetë sistemit të ankesave elektronike pranë Komisionit të Prokurimit Publik dhe autoritetit kontraktor, është protokolluar ankesa me nr. 1253/2025, datë 14.05.2025 dhe numër elektronik A/2025/5311, datë 14.05.2025, e operatorit ekonomik “KREATX” SHPK në procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04-2025 nga autoriteti kontraktor, Shoqëria Rajonale Ujësjellës Kanalizime Dibër SH.A.

II.4.1. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, i bdryshuar, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. 1253/1 prot., datë 19.05.2025 lidhur me anulimin e procedurës së prokurimit objekt ankimi.

II.4.2. Me shkresën nr. 608/23 prot., datë 22.05.2025, protokolluar me tonën me nr. 1253/2 prot., datë 26.05.2025, është depozituar nga autoriteti kontraktor në Komisionin e Prokurimit Publik vendimi mbi trajtimin e ankesës së operatorit ekonomikë ankimues “KREATX” SHPK, lidhur

me procedurën e mësipërme të prokurimit, ku rezulton se e ka refuzuar atë, me arsyetim si më poshtë:

“[...]

Komisioni i Vlerësimit të Ofertave pranë Shoqërise Rajonale Ujësjellës-Kanalizime Dibër sh.a, ka mbyllur vlerësimin përfundimtar për procedurën e prokurimit objekt ankimi në datën 02.05.2025 ku me anë të sistemit janë njoftuar automatikisht ofertuesit pjesëmarrës për vlerësimin e ofertave, dhe po me datë 02.05.2025, autoriteti kontraktor ka publikuar ne SPE, Formularin e Njoftimit të Fituesit, pas publikimit të të cilit fillon afatet e ankimit. Mendojmë se pretendimet e ngritura nga ankuesi KREATX" SHPK, i cili ka kërkuar: Anulimi i procedurës së prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, 5 magazinim e inventarizim, etj.”, për nevojat Shoqërise Rajonale e Ujësjellës Kanalizime Dibër sh.a”, me fond limit 2,500,000 leke pa tvsh, zhvilluar me date 25-04-2025 nga autoriteti kontraktor, Shoqëria Rajonale Ujësjellës Kanalizime Dibër SH.A Në lidhje me sa më sipër konkludohet se pretendimi i ankuesit është i pabazë dhe për rrjedhojë duhen të mospranohet.

VENDOSI:

- 1. Të mos pranojë ankesën e paraqitur nga Operatori Ekonomik Shoqëria "KREATX" SHPK" sh.p.k.*

[...]”

II.5. Në datën 16.05.2025 pranë Komisionit të Prokurimit Publik, është protokolluar ankesa me nr.1263/2025 prot me numër ankimi elektronik A/2025/5317 e bashkimit të operatorëve ekonomikë “Primus Albania” SHPK& Nexia AI Consulting” SHPK për procedurën e prokurimit “E hapur e thjeshtuar” me Nr. REF-40571-03-10-2025 me objekt ‘Shërbim e mirëmbajtje, program fiskalizimi, kontabiliteti ,faturimi , arketimi, magazinim e inventarizim , etj ,per nevojat Shoqërise Rajonale e Ujësjellës Kanalizime Dibër sh.a, me fond limit 2500000 lekë pa tvsh, zhvilluar me datë 25.04.2025 nga autoriteti kontraktor, Shoqëria Rajonale U.K. Dibër Sh.a.

II.5.1. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. 1263/1 prot., datë 19.05.2025 lidhur me vendimmarrjen e Komisionit të Vlerësimit të Ofertave mbi skualifikimin e ofertës së paraqitur nga BOE “Primus Albania” SHPK& “Nexia AI Consulting” shpk, në procedurën e mësipërme të prokurimit.

II.5.2. Me shkresën nr. 596 prot., datë 21.05.2025, protokolluar me tonën me nr. 1263/2 prot., datë 26.05.2025, është depozituar nga autoriteti kontraktor në Komisionin e Prokurimit Publik vendimi mbi trajtimin e ankesës së BOE “Primus Albania” & “Nexia Al Consulting” shpk, lidhur me procedurën e mësipërme të prokurimit, ku rezulton se e ka refuzuar atë, me arsyetim si më poshtë:

“[...]

Arsyetimi i Komisionit të ngarkuar për shqyrtimin e ankesës: Në lidhje me pretendimet e ankuesit Bashkimi Operatorit Ekonomik Shoqëria: BOE “Primus Albania” SHPK & “Nexia Al Consulting” sh.p.k, duke u mbështetur në nenin 110 të ligjit nr. 162/2020 “Për Prokurimin Publik” pika 2, në procedurat e prokurimit mbi kufirin e lartë monetar, në rastin e ankesave për vendimin e vlerësimit/klasifikimit përfundimtar, operatorët ekonomike kanë të drejtë të ankohen brenda 10 ditëve nga publikimi i njoftimit të fituesit ose publikimi i njoftimit të anulimit. Në procedurat e prokurimit nën kufirin e lartë monetar ky afat është 7 ditë. Pika 7: Në rast se operatori ekonomik nuk paraqet ankesën brenda afateve të parashikuara në këtë nen, atehere nuk ka mundësi të ushtroje me të drejtën e ankimit prane autoritetit ose entit kontraktor dhe Komisionit të Prokurimit Publik. Persa me siper pretendimet e ankimuesit nuk qendrojnë.

VENDOSI:

1. Të mos pranojë ankesën e paraqitur nga BOE "Primus Albania" SHPK & "Nexia Al Consulting" sh.p.k.

[...]”

II.6. Në date 30.05.2024 Komisioni i Prokurimit publik ka marrë vendimin nr. 726/2025, ku ka vendosur si më poshtë:

“1. Të mos pranojë ankesën e paraqitur nga operatori ekonomik “KREATX” SHPK, për procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04-2025 nga autoriteti kontraktor, Shoqëria Rajonale Ujësjellës Kanalizime Dibër SH.A.

2. Të pranojë ankesën e paraqitur nga BOE “Primus Albania” SHPK& “Nexia Al Consulting” shpk, për procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04-2025 nga autoriteti kontraktor, Shoqëria Rajonale Ujësjellës Kanalizime Dibër SH.A.

3. Autoriteti kontraktor të rivlersojë ofertën e BOE “Primus Albania” & “Nexia Al Consulting” shpk duke e kualifikuar sipas konstatimeve të vendimit të Komisionin e Prokurimit Publik.

4. Autoriteti kontraktor, brenda 5 ditëve, të vërë në dijeni Komisionin e Prokurimit Publik për zbatimin e këtij vendimi.

5. Ngarkohet zyra e financës, të kryejë veprimet përkatëse për derdhjen në Buxhetin e Shtetit të tarifës financiare të paguar nga operatori ekonomik “KREATX” SHPK.

6. Ngarkohet zyra e financës, që të bëjë kthimin e tarifës financiare të paguar nga operatori ekonomik BOE “Primus Albania” & “Nexia Al Consulting” SHPK.

7. Kundër këtij vendimi mund të bëhet ankim në Gjykatën Administrative të Apelit.

8. Kopje e këtij vendimi t’i dërgohet Agjencisë së Prokurimit Publik.

Ky vendim hyn në fuqi menjëherë.”

II.7. Në datën 26.06.2025 nëpërmjet Sistemit të Ankesave Elektronike pranë autoritetit kontraktor dhe njëherazi pranë Komisionit të Prokurimit Publik, është administruar ankesa me numër ankimi A/2025/5485 dhe me nr. 1690/2025 prot., datë 27.06.2025 e operatorit ekonomik “KREATX” SHPK për procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjiellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04-2025 nga autoriteti kontraktor, Shoqëria Rajonale Ujësjiellës Kanalizime Dibër SH.A. Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi kualifikimin e ofertës së operatorit ekonomik BOE “Primus Albania” & “Nexia Al Consulting” SHPK duke kërkuar skualifikim e ofertës së paraqitur nga ky i fundit, në procedurën e mësipërme të prokurimit.

II.8. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit nr. 1690/1 prot, datë 27.06.2025.

II.9. Në datë 30.06.2025 nëpërmjet SPE, është paraqitur formular i argumenteve i protokolluar me tonën datë 1690/2 datë 01.07.2025, sipas parashikimeve të nenit 113 të “Ligjit për prokurimin publik” i ndryshuar nga BOE “Primus Albania” SHPK & “Nexia Al Consulting” sh.p.k. në cilësinë e palës së interesuar, që ka marrë pjesë në procedurën e prokurimit dhe mund të cenohet nga ankesa e paraqitur, lidhur me procedurën e mësipërme të prokurimit.

II.10. Me shkresën nr. 790 prot, datë 30.06.2025, protokolluar me tonën me nr.1690/3 prot., datë 01.07.2025 ardhur nëpërmjet SPE dhe me shkresën nr. 805 prot, datë 02.07.2025, protokolluar

me tonën me nr.1690/4 prot., datë 03.07.2025 ardhur nëpërmjet postës autoriteti kontraktor ka dërguar pranë Komisionit të Prokurimit Publik, aktin e trajtimit të ankesës së operatorit ekonomik ankimues “KREATX” SHPK, ku konstatohet se ka vendosur të mos e pranojë ankesën.

III Komisioni i Prokurimit Publik

Komisioni i Prokurimit Publik, pas shqyrtimit të ankesës, dokumentacionit bashkëngjitur saj,

Arsyeton:

III.1. Lidhur me pretendimin e operatorit ekonomik ankimues “KREATX” SHPK lidhur me vendimmarrjen e Komisionit të Vlerësimit të Ofertave mbi kualifikimin e ofertës së operatorit ekonomik “BOE “Primus Albania” SHPK & “Nexia AI Consulting” SHPK, në procedurën e mësipërme të prokurimit, Komisioni i Prokurimit Publik vëren se,

III.1.1. Në datën 11.03.2025 është publikuar në Sistemin e Prokurimeve Elektronike procedura e prokurimit “Procedurë e Hapur e Thjeshtuar”, me Nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj, për nevojat e Shoqërisë Rajonale e Ujësjellës Kanalizime Dibër sh.a”, me fond limit 2,500,000.00 Lekë pa TVSH, zhvilluar në datën 25-04-2025, nga autoriteti kontraktor, Shoqëria Rajonale Ujësjellës Kanalizime Dibër SH.A.

III.1.2. Në datën 02.05.2025, autoriteti kontraktor ka bërë vlerësimin e ofertave të operatorëve ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. OE “KREATX” sh.p.k	1.875.000 lekë pa TVSH	Kualifikuar
2. BOE- Primus Albania sh.p.k	1.875.000 lekë pa TVSH	Skualifikuar

III.1.3. Në datën 09.05.2025, autoriteti ka bërë publikimin e njoftimit të fituesit paraprak për procedurën e prokurimit publik në Sistemin e Prokurimit Elektronik.

II.1.4. Në datën 14.05.2025 nëpërmjetë sistemit të ankesave elektronike pranë Komisionit të Prokurimit Publik dhe autoritetit kontraktor, është protokolluar ankesa me nr. 1253/2025, datë 14.05.2025 dhe numër elektronik A/2025/5311, datë 14.05.2025, e operatorit ekonomik “KREATX” SHPK në procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi,

arkëtimi, magazinim e inventarizim, etj.”, për nevojat Shoqërisë Rajonale e Ujësjiellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04-2025 nga autoriteti kontraktor, Shoqëria Rajonale Ujësjiellës Kanalizime Dibër SH.A.

II.1.5. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, i bdryshuar, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. 1253/1 prot., datë 19.05.2025 lidhur me anulimin e procedurës së prokurimit objekt ankimi.

II.1.6. Me shkresën nr. 608/23 prot., datë 22.05.2025, protokolluar me tonën me nr. 1253/2 prot., datë 26.05.2025, është depozituar nga autoriteti kontraktor në Komisionin e Prokurimit Publik vendimi mbi trajtimin e ankesës së operatorit ekonomikë ankimues “KREATX” SHPK, lidhur me procedurën e mësipërme të prokurimit, ku rezulton se ka vendosur mos pranimin e ankesës.

III.1.7. Në datën 26.06.2025 nëpërmjet Sistemit të Ankesave Elektronike pranë autoritetit kontraktor dhe njëherazi pranë Komisionit të Prokurimit Publik, është administruar ankesa me numër ankimi A/2025/5485 dhe me nr. 1690/2025 prot., datë 27.06.2025 e operatorit ekonomik “KREATX” SHPK për procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjiellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04-2025 nga autoriteti kontraktor, Shoqëria Rajonale Ujësjiellës Kanalizime Dibër SH.A. Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi kualifikimin e ofertës së operatori ekonomik BOE “Primus Albania” & “Nexia AI Consulting” SHPK duke kërkuar skualifikim e ofertës së paraqitur nga ky i fundit, në procedurën e mësipërme të prokurimit.

III.1.8. Neni 111, pika 1, e Ligjit 162/2020 “Për Prokurimin Publik”, i ndryshuar, parashikon se: *“1.Operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik në Sistemin e Ankesave Elektronike.”*

III.1.9. Në nenin 110, pikat 2, 7 dhe 8 “Afatet për ankimim” i ligjit 162/2020 “Për Prokurimin Publik” i ndryshuar, parashikon shprehimisht se: *“2. Në procedurat e prokurimit mbi kufirin e lartë monetar, në rastin e ankesave për vendimin e vlerësimit/klasifikimit përfundimtar, operatorët ekonomikë kanë të drejtë të ankohen brenda 10 ditëve nga publikimi i njoftimit të fituesit ose publikimi i njoftimi të anulimit. Në procedurat e prokurimit nën kufirin e lartë monetar ky afat është 7 ditë.”*

7. Në rast se operatori ekonomik nuk paraqet ankesën brenda afateve të parashikuara në këtë nen, atëherë nuk ka mundësi të ushtrojë më të drejtën e ankimit pranë autoritetit ose entit kontraktor dhe Komisionit të Prokurimit Publik.

8. Të shtunat, të dielat dhe ditët e festave zyrtare nuk pengojnë fillimin dhe kohëzgjatjen e afateve. Kur dita e fundit e një afati bie e shtunë, e diel ose një ditë feste zyrtare, afati mbaron në ditën e punës që vjen pas saj. Ankesa quhet e pranuar në ditën e depozitimit të saj pranë autoritetit kontraktor dhe Komisionit të Prokurimit Publik”

III.1.10. Neni 112, pikat 1,2 dhe 3 të ligjit 162/2020, të ndryshuar, parashikon shprehimisht se:

“1. Me regjistrimin e ankesës në Sistemin e Ankesave Elektronike dhe publikimin e saj nga Komisioni i Prokurimit Publik, Sistemi i Prokurimit Elektronik në ndërveprim me Sistemin e Ankesave Elektronike pezullon në mënyrë automatike vazhdimin e procedurës së prokurimit deri në shqyrtimin plotësisht të ankesës, përfshirë edhe nxjerrjen e një vendimi nga Komisioni i Prokurimit Publik me nënshkrim dhe vulë elektronike. Sistemi duhet të zhvillohet duke përdorur teknologji të avancuara të inteligjencës artificiale dhe procese të robotizuara për të kryer pezullimin dhe nxjerrjen nga pezullimi automatik i procedurave të prokurimit.

2. Komisioni i Prokurimit Publik, me marrjen e ankesës në përputhje me këtë ligj, publikon në bazën e të dhënave përmes ndërveprimit me sisteme të treta, të dhënat e mëposhtme: a) për ankimesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës).

3. Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, Komisioni i Prokurimit Publik publikon: a) ankesën e plotë në rastin e ankesave për dokumentet e tenderit; b) arsyet e skualifikimit në rastin e ankesave për vendimin e vlerësimit/klasifikimit përfundimtar; c) pretendimet mbi kualifikimin/skualifikimin e ofertuesve të tjerë duke referuar vetëm kriteret për të cilat ngrihen pretendime”

III.1.11. Neni 113, i ligjit 162/2020 “Për Prokurimin Publik” i ndryshuar, parashikon shprehimisht se: “1. Në rastet e ankesave për vendimet e autoritetit ose entit kontraktor për përzgjedhjen e kandidatëve pas fazës së parakualifikimit ose për procesin e vlerësimit të ofertave, operatorët ekonomikë, të cilët kanë marrë pjesë në procedurën e prokurimit dhe mund të cenohen nga ankesa e paraqitur, kanë të drejtë të paraqesin argumentet e tyre në lidhje me këtë të fundit njëkohësisht pranë autoritetit ose entit kontraktor dhe Komisionit të Prokurimit Publik. Në procedurat e prokurimit mbi kufirin e lartë monetar, afati kohor për paraqitjen e këtyre argumenteve është 7 ditë nga publikimi i ankesës nga Komisioni i Prokurimit Publik. Në procedurat e prokurimit nën kufirin e lartë monetar ky afat është 5 ditë. Paraqitja e argumenteve bëhet në Sistemin e Ankesave Elektronike.

2. Nëse operatorët ekonomikë të interesuar nuk kanë paraqitur argumente që kundërshtojnë ankesën, sipas parashikimeve të pikës 1 të këtij neni, nuk mund të ushtrojnë më të drejtën e ankimit për vendimin e dhënë në lidhje me ankesën për këtë procedurë prokurimi.”

III.1.12. Në nenin 114, pikat 1,4,5 dhe 6, “Trajtimi i ankesës nga autoriteti ose enti kontraktor” të ligjit 162/2020 “Për Prokurimin Publik” i ndryshuar, parashikon shprehimisht se: *“1. Në rastet e ankesave për dokumentet e tenderit, autoriteti ose enti kontraktor duhet të shprehet në lidhje me ankesën e paraqitur brenda 5 ditëve nga momenti i konfirmimit të regjistrimit të saj nga Komisioni i Prokurimit Publik.*

4. Në çdo rast, autoriteti ose enti kontraktor vë në dijeni për vendimin e marrë Komisionin e Prokurimit Publik, ankuesin, operatorët ekonomikë të interesuar brenda ditës së nesërme të punës nga marrja e këtij vendimi, duke e shoqëruar me shpjegimet dhe dokumentacionin përkatës.

5. Kundër vendimit të autoritetit ose entit kontraktor, operatorët ekonomikë të interesuar, të cilët kanë paraqitur argumentet e tyre në lidhje me ankesën, kanë të drejtën të ankohen pranë Komisionit të Prokurimit Publik brenda 7 ditëve nga marrja e njoftimit nga autoriteti ose enti kontraktor për procedurat e prokurimit nën kufirin e lartë monetar dhe brenda 10 ditëve për procedurat e prokurimit mbi kufirin e lartë monetar, sipas pikës 4 të këtij neni.

6. Nëse operatorët ekonomikë të interesuar nuk kanë paraqitur ankesë sipas pikës 5 të këtij neni, ata nuk do të kenë të drejtë të paraqesin më pas një ankesë për veprimet e autoritetit ose entit kontraktor, të kryera në zbatim të vendimit të dhënë nga Komisioni i Prokurimit Publik.”

III.1.13. Neni 115, pika 1,2 dhe 3 i ligjit 162/2020 “Për Prokurimin Publik” i ndryshuar, parashikon shprehimisht se: *“1.Komisioni i Prokurimit Publik shqyrton ankesën e paraqitur, si dhe vendimin e autoritetit ose entit kontraktor, së bashku me dokumentet dhe shpjegimet shoqëruese, që mbështesin këtë vendim si më poshtë: a) në rastet kur autoriteti ose enti kontraktor ka vendosur pranimin pjesërisht të ankesës, Komisioni i Prokurimit Publik vazhdon shqyrtimin: i. për pjesën e ankesës/ pretendimeve që nuk janë pranuar; ii. e ankesës/ankesave për pjesën që është pranuar, nëse ka ankesa nga operatorët ekonomikë të interesuar, të cilët kanë paraqitur argumentet e tyre për këtë pjesë në përputhje me nenin 113 të këtij ligji; b) në rastet kur autoriteti ose enti kontraktor ka vendosur pranimin e plotë të ankesës, Komisioni i Prokurimit Publik do të vijojë shqyrtimin e ankesës, nëse ka ankesë nga operatorët ekonomikë të interesuar, të cilët kanë paraqitur argumentet e tyre në lidhje me ankesën në përputhje me nenin 113 të këtij ligji; c) në rastet kur autoriteti ose enti kontraktor ka vendosur mos pranimin e ankesës.*

2. Në rastin kur autoriteti ose enti kontraktor pranon pjesërisht ankesën për dokumentet e tenderit dhe në rastin e ankesave për vendimin e vlerësimit/klasifikimit kur nuk ka ankesa nga operatorët ekonomikë të interesuar, të cilët kanë paraqitur argumentet e tyre sipas pikës 1 të nenit 113 të këtij ligji, Komisioni i Prokurimit Publik vazhdon procedurën për pjesën tjetër të ankesës dhe me mbylljen e shqyrtimit të çështjes duhet të shprehet me vendimmarrje deklarative për pjesën e pranuar sipas parashikimeve të shkronjës “ç” të pikës 2 të nenit 118 të këtij ligji, së bashku me vendimmarrje për pjesën tjetër.

3. Në rastin kur autoriteti ose enti kontraktor pranon plotësisht ankesën, Komisioni i Prokurimit Publik: a) nxjerr një vendim deklarativ për mbylljen e çështjes brenda 3 ditëve nga marrja e vendimit të dhënë nga autoriteti ose enti kontraktor për këtë ankesë, nëse operatorët ekonomikë të interesuar nuk kanë paraqitur argumentet e tyre sipas pikës 1 të nenit 113 të këtij ligji; b) nxjerr një vendim deklarativ për mbylljen e çështjes brenda 3 ditëve nga përfundimi i afatit kohor të përcaktuar në pikën 5 të nenit 114 të këtij ligji, nëse operatorët ekonomikë të interesuar, që kanë paraqitur argumentet sipas pikës 1 të nenit 113 të këtij ligji, nuk kanë ankimuar vendimin e dhënë nga autoriteti ose enti kontraktor.”

III.1.14. Në nenin 118, pika 2, germa “a” të ligjit nr.162/2020 “Për prokurimin publik” të ndryshuar parashikohet se: “Përpara lidhjes së kontratës, Komisioni i Prokurimit Publik ka të drejtë: të refuzojë ankesën për shkak të mosplotësisht të elementeve të domosdoshme për shqyrtimin e saj dhe mosrespektimit të afateve të ankimit, sipas parashikimeve të neneve 110 dhe 111 të këtij ligji”.

III.1.15. Referuar bazës ligjore të sipërcituar, Komisioni i Prokurimit Publik gjykon, se nuk është respektuar afati për dorëzimin e ankesës pranë Komisionit të Prokurimit Publik, dhe nga sa me sipër cituar operatorët ekonomikë të interesuar, të cilët kanë paraqitur argumentet e tyre në lidhje me ankesën dhe që mund të cënohen nga vendimmarrja e autoriteti kontraktor, kanë të drejtën të ankohen pranë Komisionit të Prokurimit Publik brenda 7 ditëve nga marrja e njoftimit nga autoriteti ose enti kontraktor për procedurat e prokurimit nën kufirin e lartë monetar dhe brenda 10 ditëve për procedurat e prokurimit mbi kufirin e lartë monetar, sipas pikës 5 të nenit 114. Në rastin konkret, rezulton, se operatori ekonomik “KREATX” SHPK ka qenë në dijeni që prej datës 09.05.2024, ku është bërë publikimi i njoftimit të fituesit paraprak prej nga ku konstatohet arsyeja e skualifikimit të ofertës së operatorit ekonomik BOE “Primus Albania” & “Nexia Al Consulting” shpk, dhe prej nga ku operatori ekonomik ankimues mund të paraqiste ankesën me pretendimet për lënien të skualifikuar dhe shtimin e arsyeve për skualifikim të operatorit ekonomik BOE “Primus Albania” & “Nexia Al Consulting” shpk, duke vijuar më tej me faktin se duke qenë gjithashtu në dijeni që operatori ekonomik i skualifikuar BOE “Primus Albania” & “Nexia Al Consulting” shpk ka paraqitur ankesë për shfuqizimin e vendimit të komisionit të vlerësimit të ofertave mbi skualifikimit të ofertës së paraqitur prej tij, prej nga ku operatorit ekonomik ankimues mund të paraqiste argumentat pasi mund të cënohej në vazhdimësi të shqyrtimit të ankesës së BOE “Primus Albania” & “Nexia Al Consulting” shpk. Ndërkohë ankesa e operatorit ekonomik ankimues “KREATX” SHPK është paraqitur pranë autoritetit kontraktor dhe Komisionit të Prokurimit Publik, më datë 26.06.2025 me numër elektronik të ankesës nr. A/2025/5485, datë 26.06.2025 dhe me nr. 1690/2025 prot., datë 27.06.2025, jashtë afateve ligjore të ankimit, edhe pse publikimi i njoftimit të fituesit paraprak për vendimin e marrë nga autoriteti kontraktor që vinte në dijeni arsyen e skualifikimit dhe gjendjen e operatorit ekonomik BOE “Primus Albania” & “Nexia Al Consulting” shpk është bërë në datë 09.05.2025, si dhe publikimi i formulari për ankesën me numër ankimi elektronik A/2025/5317

e bashkimit të operatorëve ekonomikë “Primus Albania” SHPK & “Nexia AI Consulting” SHPK për procedurën e prokurimit të sipërcituar, është bërë në datë 19.05.2025, lidhur me vendimmarrjen e Komisionit të Vlerësimit të Ofertave mbi skualifikimin e ofertës së paraqitur nga BOE “Primus Albania” SHPK & “Nexia AI Consulting” shpk, dhe prej asaj date nuk rezulton as ankesë dhe as argumente nga operatori ekonomik ankimues “KREATX” SHPK.

Komisioni i Prokurimit Publik gjykon, se ankesa e operatorit ekonomik “KREATX” SHPK”, për vendimmarrjen e komisionit të vlerësimit të ofertave për kualifikimin e ofertës së paraqitur nga operatorit ekonomik BOE “Primus Albania” & “Nexia AI Consulting” shpk të procedurës së prokurimit objekt-ankimi është dorëzuar jashtë afateve ligjore të përcaktuara në nenin 114 pika 5 e LPP, i cili parashikon se: “Kundër vendimit të autoritetit ose entit kontraktor, operatorët ekonomikë të interesuar, të cilët kanë paraqitur argumentet e tyre në lidhje me ankesën, kanë të drejtën të ankohen pranë Komisionit të Prokurimit Publik brenda 7 ditëve nga marrja e njoftimit nga autoriteti ose enti kontraktor për procedurat e prokurimit nën kufirin e lartë monetar dhe brenda 10 ditëve për procedurat e prokurimit mbi kufirin e lartë monetar, sipas pikës 4 të këtij neni”.

Referuar parashikimeve të sipërcituara, llogaritja e afatit për ankim pranë autoritetit kontraktor dhe njëherazi pranë Komisionit të Prokurimit Publik. Komisioni i Prokurimit Publik gjykon, se ligji stricto sensu ka parashikuar, se ankesa dorëzohet njëherazi si pranë autoritetit ose entit kontraktor ashtu edhe pranë Komisionit të Prokurimit Publik dhe është përgjegjësi e operatorit ekonomik ankimues, që të dorëzojë këtë të fundit njëherazi në të dyja institucionet, brenda afatit të parashikuar në ligj.

Sa më sipër, Komisioni i Prokurimit Publik gjykon, se ankesa e dorëzuar nga operatori ekonomik ankimues më datë 26.06.2025, për pretendimet për kualifikimin e ofertës të paraqitur nga BOE “Primus Albania” & “Nexia AI Consulting” shpk, nuk ka përmbushur detyrimin për ndjekjen e afateve ligjore të ankimit sipas parashikimeve të LPP, ndaj përbën shkak për mospranimin e këtij pretendim të ankesës nga ana e Komisionit të Prokurimit Publik. Komisioni i Prokurimit Publik rithekson bindjen e tij, se për shkak të specifikës së prokurimeve publike, respektimi i afateve, është i një rëndësie thelbësore e me ndikim të drejtpërdrejtë në efikasitetin e procedurës, ndaj edhe i qëndron strikt rregullit të parashikuar nga ligji i prokurimit publik si lex specialis mbi lëndën.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik” i ndryshuar, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 236, datë 20.04.2023, “Për përcaktimin e rregullave dhe tarifës së pagesës për ankimin në një procedurë prokurimi pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave “Për Organizimin dhe Funksionimin e

Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkarkuar nga COVID-19”, Komisioni i Prokurimit Publik, njëzëri,

Vendosi:

1. Të mos pranojë ankesën e paraqitur nga operatori ekonomik “KREATX” SHPK, lidhur me procedurën e prokurimit “E hapur e thjeshtuar”, me nr. REF-40571-03-10-2025, me objekt: “Shërbim e mirëmbajtje, program fiskalizimi, kontabiliteti, faturimi, arkëtimi, magazinim e inventarizim, etj.”, për nevojat Shoqërisë Rajonale e Ujësjellës Kanalizime Dibër sh.a”, me fond limit 2,500,000 lekë pa tvsh, zhvilluar me datë 25-04- 2025 nga autoriteti kontraktor, Shoqëria Rajonale Ujësjellës Kanalizime Dibër SH.A.
2. Autoriteti kontraktor lejohet të vijojë me hapat e mëtejshëm të procedurës së prokurimit të sipërcituar.
3. Ngarkohet zyra e financës, të kryej veprimet përkatëse për kalimin në buxhetin e shtetit të tarifës financiare të paguar nga operatori ekonomik “KREATX” SHPK.
4. Kundër këtij vendimi mund të bëhet ankim në Gjykatën Administrative të Apelit.
5. Kopje e këtij vendimi t’i dërgohet Agjencisë së Prokurimit Publik.

Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Kreshnik Ternova

Anëtar
Gjergj Mersini

Nënkryetar
Florent Zguro

